

ISABEL CARTA NAJ SAN PABLO YATO TET MACTA AYXACO YUL ISK'AB COMAM BEY TESALÓNICA

Yichebanil iscarta naj Pablo

¹ Hanin Pablo inti'an, yeb juxta Silvano yeb juxta Timoteo, chicotz'ibrñetojañ hune' carta ti' teyet hesunil hex ayexxaco yul isk'ab Comam Dios bey coñob Tesalónica, hex hunxa heye yiñ Comam Dios Mame, yeb yiñ Comam Jesucristo. Yak'ab Comam isc'ulch'anil isc'ul yeb ak'anc'ulal teyet.

Caw c'ul isbeybal anma ah Tesalónica ayxaco yul isk'ab Comam

² Maxtic'a chicobejañ jak'nihañ yuch'andiosal tet Comam Dios teyirñ hesunil, cat quexconanitijañ yiñ cotxahañ tet Comam Dios.
³ Ayorñetic'acojañ quexconanitijañ yiñ cotxahañ tet Comam Dios Mame yu hemunil yiñ Comam, yu xaheyayto yul heyanma yiñ yet Comam, cheyijenpaxo yiñ tzet chal Comam yuto caw ayco heyanma yiñ Comam. Cheyak'nipaxo techaho sunil isya'tajil chiay teyibañ, yuto caw ayco Comam Jesucristo yipo hec'ul.

⁴ Hex wuxtaj hex wanab, caw ochebilex yu Comam Jesucristo, yeb xin johtaj tato ha' Comam Dios sic'ñehexcanoj. ⁵ Yet jalnihañ cuybanile yet colbanile teyet, maixrietaj cotzoti'añ munlahi, to ha' hun yip Comam Espíritu Santo munla teyiñ, caw xin johtajañ tato hune' cuybanile tu' caw yel

chalcanoj. Walex hex ti', heyohtaj tato c'ul jute cobahaň texol, cosaynihaň baytet isc'ulalo teyiň.

⁶ Haxa hex ti' xin quexoc tzujno yiňej isc'ulal coyecanojaň, yeb xin beybale isyecano Comam Jesucristo, hechahnicano Istzoti' Comam yiň caw tzalahilal chiyak' Comam Espíritu Santo, waxaňca yet hechahni tu' heyil isya'tajil yu anma. ⁷ Hac tu' yu heyenilo isc'ulal yiň sat sunil macta ayxaco yul isk'ab Comam ay bey yul ismajul Macedonia yeb ismajul Acaya. ⁸ Yu hune' hebeybal tu' pujnacaň yabelaxilo Istzoti' Comam, yaj maňnetaj yul ismajul Macedonia yeb Acaya, wal xin caw sunil yula-jla coriob ohtaňelaxiloj tato heyayto yul heyanma yiň Comam Dios, yuxin matxa tzet wal jalnihaň tet anma yiň hune' tu'. ⁹ Ha' caw anma tu' chalni tzet yu cobeyc'ojaň texol, yeb xin ta caw c'ul yu coňhechahnihaň, yeb yiň tzet yu hebejni hetxahli tet hetioň, heyoc heyijen tzet chal Comam Dios itzitz, yeb caw Dios yiň caw isyelal. ¹⁰ Chiyalpaxo anma tu', tato caw ayco yiň heyanma heyechman Isc'ahol Comam Dios chitit yul satcaň, ha' ton Comam Jesucristo itzitzbicaň xol camom yu yip Comam Dios. Ha' xin choňcolni xol hune' niman isya'tajil chihul yu Comam Dios.

2

Cuybanile yiň tzet yu ismunla naj Pablo bey yul coriob Tesalónica

¹ Hex wuňtaj hex wanab, caw heyohtaj tato mach nabaňeho coňbeyc'ojaň texol. ² Waxaňca yet yalarito maňto chexcotuclehaň coňbahlaxaň, coňmak'laxpaxojaň bey yul coriob Filipos haca' yu heyaben. Yaj maňtic'a coňxiwaň yuto Comam

Dios colwa jiñañ. Hac tu'yu copujbanic'ojañ Tzoti' c'ul yet colbanile texol, waxañca caw howbi anma jiñañ. ³ Harioriti'añ, maxtaj tzoti' mach yelo jalañ yet jec'tu'añ, maxtajpaxo istx'ojal nabil juhañ yeb mach etalo nan juhañ.

⁴ Wal xin Comam Dios sayñeoreñicojañ, yak'nican Comam hune' comunliti'añ yiñ jalnic'ojañ Tzoti' c'ul yet colbanile. Yuxinto maxtaj tzet choche isc'ul anma chicosayic'ojañ, to ha' tzet choche isc'ul Comam Dios, yuto yohta Comam tzet nabil juhañ. ⁵ Hex ti' heyohtaj, yeb xin yohtapaxo Comam Dios tato maxtic'a hunelo quexcomontehañ yu tzoti' c'ulch'an yoqui. Machipaxo tzoti' ak'ni ayo hec'ul jalañ yuñe jinilojañ melyu teyiñ. ⁶ Maxtaj yu heyanico comayañ yuxin choñec'añ, maca yu jallaxañ nime anmahil yu anma. ⁷ Waxañca xin ay jipañ jalnihañ teyet tato coñheyilarñ yuto ischejab Comam Jesucristo jehañ, yaja' xin mach haco tu' jutehañ. Ha' jetañ to c'ulch'an jute coc'ulañ teyiñ haca' chiyu isya'ilriñ hunu ix mi'e niñte yunin. ⁸ Caw chexcoya'ilriñehañ, yuxinto maññetaj Tzoti' c'ul yet colbanile jak'añ teyet, wal xin cohin cobahañ jak'ni camo cobahañ teyiñ, yuto caw choñtzalahañ teyiñ.

⁹ Hex wuxtaj hex wanab, tijab yul hec'ul hanta coñsiquihañ comunlahañ, cosaynihañ yiñ tzet chu yec' juhañ. Coñmunlahañ tz'ayical yeb ak'balil, yuñe matzet chicok'anañ teyet yet jec'añ jalnoc'ojañ Tzoti' c'ul yet colbanile texol. ¹⁰ Hex cawex chu heyalni yeb xin testigo Comam Dios yiñ tato caw c'ul jute cobahañ, yeb hañc'añe istoholal cowatx'ehañ yet jec'añ texol hex ayexxaco

yul isk'ab Comam. Machi xin hunu mac chu yalni ta tx'oj cowatx'ehaň texol. ¹¹ Heyohtapaxoj tato caw quexjiptzehaň, jak'nipaxojaň yak'llobal hec'ul haca' chu hunu naj mame yiň yuninal. ¹² Jalnipaxojaň teyet hununex tato c'ul cheyute heba, yuto ayexxaco yul isk'ab Comam Dios. Ha' Comam awteñeonic'o yul isk'ab yeb yu cochahni sunil isc'ulch'anil Comam.

¹³ Yu hune' tu', chijak'aň yuch'andiosal tet Comam Dios, yuto yet heyaben Istzoti' Comam jalaň teyet, haca'caw Istzoti' Comam yu hechahnicanoj, mach haca'o comon tzoti' chal anma. Yiri caw yeli Istzoti' Comam Dios hune' tu', ha' xin chimunla yul heyanma yettax hechahnicanoj. ¹⁴ Hex wuxtaj hex wanab, yet yak'lax ec'oya' heyanma yu heyet coňob, caw lahan heyak'le yeb yuninal Comam Dios ay yul ismajul Judea, huntuk'an mac yetxa Comam Jesucristo yehi, caw caj illax yu yet coňob Israel. ¹⁵ Ha' ebnaj israelita tu' potx'ni camo Comam Jesucristo, haca'tic'a yu ispotx'ni camo ebnaj ebnaj ischejab Comam Dios ec'lena yettax payat, coňiscajnipaxojaň ebnaj. Caw machi nich'ano isc'ulal ebnaj tu' yul sat Comam Dios, yuto chiscaj ebnaj sunil anma. ¹⁶ Mach chisje ebnaj ta chijalaň Tzoti' yet colbanile tet anma mach Israeloj, hac tu' chiyu yah sutsun ismul ebnaj yibaň. Yaja' wal tinaň xin xahul isya'tajil yibaň huntuk'an anma tu' yu Comam Dios.

Choche naj Pablo isto bey coňob Tesalónica hunelxa

¹⁷ Hex wuxtaj hex wanab, yet jelari texol hanic' tiempohal, caw ayexñeetic'aco yul janmahaň, waxaňca xin mach chijilaň teyiň. Caw

xin jacojañ yiñ coc'ulari cotohañ quexjilnojañ hunelxa. ¹⁸ ¡Caw jak'lehañ cotohañ quexjilnojan! Hanin Pablo inti'an tx'i'al el wochehan intohan quexwila'an, yaja' yayo naj matzwalil isya'tajil yuxin maxtic'a yu cotohañ quexjilnojan. ¹⁹ ¿Mac yiñ chicawxi coc'ulañ? ¿Mac yiñ chitzala janmahañ? Wal xin hex ton ispaj comunilarí chiak'ni tzalahilal. Teyiñ caw chitit cotzalahilalarí yul sat Comam Jesucristo yet chihuli. ²⁰ Yiñ caw yeli hex ti' ayexico cotzalahilalojañ, yeb ayexico comayojañ chiyute jabenañ.

3

¹ Caw xin matxa chitecha juhañ jabenañ tzet heyehicoj, yuxin oc yiñ conabalañ cocancanojañ cochuquilañ bey yul coriob Atenas. ² Janitojañ naj juxta Timoteo quexistucle', naj ayco ischejabo Comam Dios yiñ yalnic'o Tzoti' c'ul yet colbanile yiñ Comam Jesucristo. Jatojañ naj quexistucle' yurie yanico naj yip heyanma, yeb yurie cam hetoholbañenico heba yiñ Comam. ³ Haxinwal machi hunojex chicabconcañ hec'ul yu isya'tajil chihul teyibañ. Wal xin heyohtaxa tato yilal yec'ya' janma yu ej isya'tajil chihul jibañ. ⁴ Yuxin yet jec'añ texol, jalcanojañ teyet tato yilal yul isya'tajil jibañ, caw xin cheyila tato hac tu' elicoj. ⁵ Caw mach chitecha wuhan wabenan hanic' heyecoj, yuxin inchejtojan naj Timoteo quexistucle', yurie yilni naj hanic' yeco heyanma yiñ Comam bey tu'. Yuto ayco yiñ inc'ulan c'uxantaxca quexyak' subchaho naj matzwalil yiñej istx'ojal, yuto ta hac tu' nabriem coñmunlahañ texol chal tu', yaj machoj.

6 Yaja' wal tinañ xabeyc'o juxta Timoteo quexistucle', ha' naj xin initi tzoti' tato caw hune'ñetic'a ha' yeco heyanma yiñ Comam Dios, yebpaxo xin ta caw xahan cheyil heba hununex. Yal najjetañ tato caw chitzala hec'ul jiñiañ, choríhenanitijañ yeb xin ta caw cheyoche coríheyila'añ, hac tu' heyepaxico yiñ coc'ulañ, caw chijochehañ quexjila'paxojañ. **7** Wal tinañ, hex wuxtaj hex wanab, walca soman bisc'ulal yeb soman isya'tajil jehañ caw ak'lo coc'ulañ yet jabenañ tato caw hune'ñe ha' yehico heyanma yiñ Comam Jesucristo. **8** Hayet jabenañ tato tohol hebelwi yiñ yet Comam caw occano janmahañ yiñ tzalahilal. **9** Tinañ xin mach chitxumcha juhañ tzet chu jak'nihañ yuch'andiosal tet Comam Dios teyiñ yu hune' icham tzalahilal chijabehañ heyu sata Comam Dios. **10** Wal xin, caw hunun tz'ayic yeb hunun ak'bal cok'annihañ tet Comam tato chiyak' Comam cohamanilarñ cotohañ quexjilnojañ, yurëe cam hech'ib yiñ heyanico heyanma yiñ Comam Dios.

11 Ha'ojab Comam Dios Mame yeb Comam Jesucristo, chicolwa jiñiañ yurëe chiyu cotohañ quexjilnojañ. **12** Ha'ojab Comam chexak'ni ch'iboj, yeb yurëe cam xahan cheyil heba hununex, cat hexahañen sunil anma, haca'tic'a isxahanił chexjilarñ hañorñti'añ. **13** Chijoche Paxojañ tato chiyak' Comam yip heyanma, haxinwal toholñe chiyu hebelwi. Machojab hemul chiilchatí yul sat Comam Dios Mame yet chihul Comam Jesucristo hunelxa yeb sunil macta yetxa Comam yehi.

4

Hune' beybale haca' choche isc'ul Comam Dios

¹ Hex wuxtaj hex wanab, caw haca'tic'a yu hecuywicano jintajañ yiñ tzet chiyu jak'ni tzalaho isc'ul Comam Dios, caw hac tu' cheyute tinañ. Yuxin chijaldojañ cat cotak'entojañ teyet, hacojtam Comam Jesucristo chihalnito teyet tato chelahico heyak'ni tzalaho isc'ul Comam Dios. ² Heyohtaj baytet hecuybanil ak'bil teyet juhañ, yu ischejbanil Comam Jesucristo.

³ Wal xin choche Comam Dios tato toholñetic'a hebeybal yul sat Comam, machojab hunu mac chixli maca chiwinajli. ⁴ C'ulojab tzet chi'ec' yiñ henabal, hune'ñehojab heyixal, ayojab yelapno ebix yul hesat. ⁵ Machojabtaj tzet choche henimanil chi'ec' yiñ henabal, haca' chute isba anma mach ohtañeho Comam Dios. ⁶ Mach chu heyixñen yixal hunuxa heyuxtaj, yuto ha' mac chiuten huntek'an istx'ojal tu' chiay isya'tajil yibañ yu Comam Dios, haca'tic'a yu jalnicanojañ teyet yeb haca' yu quexcocachnicanojañ. ⁷ Yuto maxtaj yu cowatx'en istx'ojal yuxinto awtebiloñ yu Comam Dios, walxinto yu copohnilo coba xol istx'ojal yuxin awtebiloñ. ⁸ Macñetic'a chiyahni huntek'an cuybanile chiwalti'an, maxtaj hunu anma lañan isyahni, walxinto ha' Comam Dios chisyaha, Comam ak'ñe Comam Espíritu Santo jet.

⁹ Wal yiñ hexahanñen heba hununex mach yilalo chintz'ibñetojan teyet, yuto cuybilexxa yu Comam Dios hexahanñen heba hununex. ¹⁰ Wohtajan tato caw xahan cheyil sunil macta ayxaco yul isk'ab Comam ay yul ismajul

Macedonia, yaja' chijaltojañ teyet tato cam chelahico hexahanñen heba.¹¹ Chiwaltojan teyet, aweco yiñ heyanna heye yiñ ak'anc'ulal, haweco hemunil yiñ hec'ul. Munlaharñwej, haca'tic'a jute jalnicanojañ teyet.¹² Ta cheyije haca' tu', c'ul istzotel anma maxtó ayoco yul isk'ab Comam teyiñ, yeb mach ya'tajo chi'ec' heyu.

Cuybanile yiñ yet chihul Comam Jesucristo hunelxa

¹³ Hex wuxtaj hex wanab, chijochehañ tato cheyohtarielo tzet chiyak'le anma ayxaco yul isk'ab Comam xalecamtoj, hixinwal mach cheyik' bisc'ulal, haca' anma machi bay chicawxi isc'ul.¹⁴ Haca'tic'a janayto yul janma tato cam Comam Jesucristo, yitzitzipaxocañ xol camom hunelxa, hactic'apax tu' janayto yul janma tato macta ayxaco yul isk'ab yet iscami chati Comam Dios yinta Comam Jesucristo yet chul Comam hunelxa.

¹⁵ Yuxinto chijalarñ hune' cuybanile yet Comam Jesucristo ti' teyet, tato hañorñ itzitzorñ yet chul Comam hunelxa, mach choribabito sata anma xalecamtoj.¹⁶ Yuto hayet ch'awi Comam Jesús yet chak'ni chejbanile, cat yel yaw naj arcángel, cat yok' istrompeta Comam Dios, cat istit Comam yul satcañ; ha' macta ayxaco yul isk'ab Comam yet iscami ha' chiitzitzbicáñ babel.¹⁷ Wal hañorñ ayoñtoc'o xin, choñilaxcañ yeb anma tu', cat jah xol moyan cochahno Comam xol jak'ek'. Hac tu' chu japni isc'atañ Comam yiñ hununex. ¹⁸ Yuxinto iptzewe heba hununex yu hune' cuybanile ti'.

5

¹ Wal yiñ tzet tiempohal yeb tzet orahil chiyu hune' tu', hex wux̄taj hex wanab mach yilalo walnitojan teyet. ² Hex ti' heyohtaxa yiñ tzet chu yul Comam, lahan haca' yet chihul lemlna hunu naj elk'om yet ak'balil, yet tona nahul ay anma, hac tu' xin chiyu yul Comam. ³ Yuxin hayet chiyalni anma haca' ti': "Wal tinari ak'anc'ulal xaye sunil," xi. Ha' ton tu' yet chihul lemlna c'ayilal yibañ anma, haca' yet chiichiti isya'il isc'ul hunu ix ix, hac tu' chiyak'le anma, matxa chiyu iscolni isba.

⁴ Yaj wal hex ti' wux̄taj wanab, matxa ayexoco xol k'ejholo, yuxin mach tona nahul ayex yet chihul lemlna Comam, haca' anma tona nahul aya yet chihul lemlna naj elk'om yiñ. ⁵ Walex ti', yetxa issajilk'inal heyehi, haca' mac chiec' tz'ayical hac tu' heyehi, yuxin matxa yeto ak'bal yeb k'ejholo heyehi. ⁶ Yuxin machojab ayoco cowayañ haca' huntek'an anma tu'. Wal xin majwahojoñwe yiñ yulbal Comam, helanojab chijute coba. ⁷ Johtaj ta yet ak'balil chiway anma, yebpaxo ak'balil chiuq'ui anma. ⁸ Waloripaxo hañor ti' yetorixa issajilk'inal, yuxin toholojab chijute conabal. Yillal janico janma yiñ Comam, yebpaxo xahanojab chijil coba cosunil. Ta hac tu' chijute lahanoñ haca' ebnaj soldado chiscol isba yu ch'en ch'en pichbilico yiñ istxam isc'ul. Haca'ojab yehato ch'en c'owi'e yiñ iswi' ebnaj soldado yu iscolni isba, hacojab tu' iscawxi coc'ul yiñ cocolbanil.

⁹ Maxtaj yu yaniti Comam Dios ishowal jibañ yuxinto coriissiq'uiloj, walkinto yu cochahni hune' cocolbanil tet Comam Jesucristo. ¹⁰ Yuto Comam Jesucristo cam coseleloj, yuxin waxañca

itzitzoñ maca camomoñxa yet chihul Comam, hunxañe chijucano yeb Comam cosunil. ¹¹ Yuxin iptzewe heba hununex, cat heliñban heba, haca'tic'a lañan heyuten tu'.

Cuywa naj Pablo yiñ anma ayxaco yul isk'ab Comam

¹² Hex wuxtaj hex wanab, chijaltojañ teyet tato yilal heyijen tzet chal ebnaj chimunla texol bey tu', ebnaj chexijban yiñ yet Comam, yeb chiak'ni hecuybanil. ¹³ Nimanojab yelapno ebnaj yul hesat, xahanojab cheyil ebnaj, yuto yiñ yet Comam chimunla ebnaj. Eharñwe yiñ ak'anc'ulal, machojab howal texol hununex.

¹⁴ Hex wuxtaj hex wanab, chijalpaxtojañ teyet tato checach mac mach chisje isc'ul chimunlahi. Iptzewe mac etza chipax yintaj, colwahañwepaxo yiñ mac machi yip yanma yiñ Comam. Ayojab hemimanc'ulal teyiñ hesunil.

¹⁵ Cam cheyil heba, tajca chepajtze tet macta chiwatx'en istx'ojal teyiñ, wal xin ha' heyet aweco yiñ hec'ul hewatx'en isc'ulal teyiñ hununex, yaj mañnetaj teyiñ, to yiñpaxo sunil anma.

¹⁶ Tzalahilalojabñetic'a heye hunun tz'ayic. ¹⁷ Txahlañwe tet Comam Dios yiñ sunilbal tiempo. ¹⁸ Ak'we yuch'andiosal tet Comam Dios yiñ sunil, yuto hac tu' choche Comam teyiñ, yuto ayxaco heyanma yiñ Comam Jesucristo.

¹⁹ Mach cheyilo yip Comam Espíritu Santo yul heyanma. ²⁰ Mach cheyah chejbanile chitit tet Comam Dios chiyal ebnaj ischejab Comam. ²¹ Caw ocañwe hetxumu' sunil tzet chihallaxi,

cat xin hec'ubancano yul heyanma baytet c'ul.
22 Pohwelo heba yiñ sunil istx'ojal.

23 Ha'ojab Comam Dios chiak'ni ak'anc'ulal, ha' chexpohnicanilo xol istx'ojal, cat isc'uban heyanma, henabal yeb henimanil, yet chul Comam Jesucristo. **24** Comam coriawteni, caw tohol Comam, masan chiyij isba sunil ti' yu Comam.

*Yalto naj Pablo ta chil isba macta ayxaco yul
 isk'ab Comam*

25 Hex wuxtaj hex wanab, txahlañwepaxo jiriañ harioriti'an.

26 Halwe tet sunil ebnaj juxtaj yeb ebix janab ta chil isba yiñ iscawil yiñ caw tzalahilal, yuto yetxa Comam yehi.

27 Ha' Comam ak'rie hune' inmunilti'an, yuxin chiwaltojan teyet tato cheyawte hune' te' hum ti' xol sunil ebnaj juxtaj yeb ebix janab yetxa Comam Dios.

28 Ha'ojab Comam Jesucristo chianayo isc'ulch'anil isc'ul texol hesunil. ¡Hacojab tu'!

**Nuevo Testamento yin abxubal
New Testament in Jakalteko Eastern; jac
(GT:jac:Jakalteko)**

copyright © 1997 Wycliffe Bible Translators, Inc.

Language: Jakalteko

Translation by: Wycliffe Bible Translators, Inc.

Copyright Information

© 1997, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Jakalteko

© 1997, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

PDF generated using Haiola and XeLaTeX on 11 Nov 2022 from source files
dated 29 Jan 2022

b5bce385-9ed7-5701-9edc-e221ef239a1c